

SINDIKAT MAŠINOVOĐA-STROJOVOĐA SARAJEVO

U svojstvu punomoćnika Sindikata mašinovođa-strojovođa FBiH i Samostalnog Sindikata izvršnog osoblja područje infrastrukture ŽFBiH, dajemo sljedeće pravno mišljenje u vezi usvajanja spornog Pravilnika o VIII izmjenama i dopunama Pravilnika o radu od strane Nadzornog odbora JP Željeznice FBiH d.o.o. Sarajevo, br. NO-6070-14.1/10 od 14.10.2010.god.

Radi se o potpuno ništavom pravnom aktu, koji faktički nema nikakvo pravno dejstvo, obzirom da je donesen van utvrđene zakonske procedure i sa utvrđenim izmjenama koje su u suprotnosti sa odredbama Zakona o radu, Općeg kolektivnog ugovora za teritoriju FBiH i Kolektivnog ugovora željezničara Federacije BiH.

Članom 68. Zakona o radu je propisano da se plaće zaposlenika utvrđuju kolektivnim ugovorom, pravilnikom o radu i ugovorom o radu. Članom 69. Zakona o radu je propisano da se kolektivnim ugovorom i pravilnikom o radu utvrđuje najniža plaća, te uvjeti i način njenog usklađivanja. Poslodavac koga obavezuje kolektivni ugovor ili pravilnik o radu ne može uposleniku obračunati i isplatiti plaću manju od plaće utvrđene kolektivnim ugovorom, pravilnikom o radu i ugovorom o radu. Članom 115. Zakona o radu propisano je da je kolektivni ugovor obavezan za strane koje su ga sklopile, kao i za strane koje su mu naknadno pristupile. Prema članu 111. Zakona o radu kolektivni ugovori su izvor prava u našem pravnom sistemu, pa u odnosu na individualne ugovore djeluju kao zakon odnosno pravna norma kojom se štiti minimum prava uposlenika ispod koje se ne može ići prilikom zaključivanja ugovora o radu odnosno prilikom zasnivanja radnog odnosa. Uzimajući u obzir normativnost kolektivnih ugovora smatra se da je svaki uposlenik stupanjem na posao pristupio i kolektivnom ugovoru, pa iz njega može crpiti sva prava koja su mu po osnovu rada ili u vezi sa radom kao minimum osigurana, a to znači da poslodavac ta prava ne može umanjiti niti uskratiti.

U konkretnoj pravnoj situaciji, prilikom donošenja osporenog Pravilnika morale su se primjeniti odredbe Kolektivnog ugovora željezničara FBiH (Sl.novine FBiH, br.11/07) koji je stupio na snagu 29.02.2007.god. i koji je potpisan od strane Samostalnog sindikata željezničkih radnika BiH, Sindikata mašinovođa-strojovođa u FBiH i Neovisnog Sindikata željezničara u HNK/Ž, te Federalnog ministarstva prometa i komunikacija (kao predstavnika Vlade) s druge strane.

Odredbe ovog Kolektivnog ugovora se primjenjuju neposredno i istim se uređuju prava i obaveze iz rada i po osnovu rada zaposlenika željezničara u FBiH kao i prava, obaveze i odgovornosti željeznica u FBiH, kao poslodavca, a u skladu sa Općim Kolektivnim ugovorom za teritoriju FBiH, Zakonu o radu i drugim važećim zakonskim propisima.

Članom 2. i 3. Kolektivnog ugovora stoji da pravilnici poslodavca moraju biti u skladu sa ovim Kolektivnim ugovorom, a stavom 4. ovog člana je propisano:

- "Ako bi Pravilnikom neko pravo uposlenika bilo utvrđeno u manjem opsegu od prava koja proizilaze iz ovog Kolektivnog ugovora, primjenjuju se odredbe ovog Kolektivnog ugovora."

Isto tako, članom 5. Kolektivnog ugovora izričiti je propisano da će se potpisnici ugovora zalagati za pravilno provođenje i poštivanje odredbi istog i otklanjati sve prepreke koje onemogućavaju njegovo dosljedno izvršavanje u praksi.

Članom 89.st.2 je propisano da najniža neto satnica kao osnovica za obračun osnovne plaće zaposlenika ne može biti manja od 1,94 KM za mjesečni prosjek od 174 sata, a na najnižu neto plaću zaposleniku se primjenjuje koeficijent po članu 93.ovog Ugovora.

Važno je napomenuti da je Vlada FBiH donijela Odluku V broj 290/08 od 15.4.2008.god. (Sl.novine FBiH, br.22/2008) o utvrđivanju najniže satnice u federaciji BIH, a na osnovu člana 9. Općeg Kolektivnog ugovora na teritoriji FBiH, tako da je najniža neto satnica 1,95 KM.

Takođe, uvidom u Kolektivni ugovor željezničara Federacije Bosne i Hercegovine, jasno je da zaposlenik ima pravo na regres za godišnji u visini od 70 % prosječne plaće ostvarene u FBiH, prema posljednjim objavljenim podacima Federalnog zavoda za statistiku. Ovo pravo nije uvjetovano poslovanjem firme.

Odredba spornog Pravilnika kojom se utvrđuje da se zaposleniku može umanjiti osnovna plaća od 30 % je takođe protuzakonita, obzirom da u suštini predstavlja uvođenje novčane kazne, što je suprotno zakonu - jer novčana kazna mora biti definisana isključivo zakonom a ne pravilnikom.

Shodno svemu iznesenom, jasno i nedvosmisleno se može zaključiti da je osporeni Pravilnik u potpunoj suprotnosti sa Zakonom o radu, Kolektivnim ugovorom željezničara Federacije Bosne i Hercegovine, kao i Općim Kolektivnim ugovorom na teritoriji FBiH i kao takav ne može imati nikakvo pravno dejstvo.

21.10.2010.god.

s poštovanjem,
advokat M. Š.

I. MILOVAN MATKOVIĆ

II.

Ova Odluka stupa na snagu narednog dana od dana objavljivanja u "Službenim novinama Federacije BiH".

V broj 289/08

15. aprila/travnja 2008. godine

Sarajevo

Premijer

dr. Nedžad Branković, s. r.

408

Na temelju članka 19. stavak 2. Zakona o Vladi Federacije Bosne i Hercegovine ("Službene novine Federacije BiH", broj 1/94, 8/95, 58/02, 19/03, 2/06 i 8/06), članka 9. Općeg kolektivnog ugovora za teritoriju Federacije Bosne i Hercegovine ("Službene novine Federacije BiH", broj 54/95), i na temelju usuglašenih stavova socijalnih partnera u Ekonomsko-socijalnom vijeću za teritoriju Federacije Bosne i Hercegovine, Vlada Federacije Bosne i Hercegovine na 52. sjednici, održanoj 15. travnja 2008. godine, donosi

ODLUKU

**O UTVRĐIVANJU NAJNIŽE SATNICE U FEDERACIJI
BOSNE I HERCEGOVINE**

I.

U Federaciji Bosne i Hercegovine, utvrđuje se:

1. najniža bruto satnica u iznosu od 3,26 KM,
2. najniža neto satnica u iznosu od 1,95 KM.

II.

Ova Odluka stupa na snagu narednog dana od dana objave u "Službenim novinama Federacije BiH", a primjenjivat će se od 1. ožujka 2008. godine.


V broj 290/08

15. travnja/aprila 2008. godine

Sarajevo

Premijer

dr. Nedžad Branković, v. r.



Vlada Fed
obustavljanju
Proračunu Fed
obavijestit će P
nakon donošen

Za realiza
ministarstvo fi
ostali proračuns

Ova Odluka
"Službenim nov

V bro
28. veljače/febr
Sar

410

Na osnovu č
i Hercegovine
8/95, 58/02, 15
Hercegovine, na
godine, donosi

**O ODOBR
UTVRDEN
HERCEGOVI
CRVENOG
HERCEGO**

Odobrava s
Federacije Bos
novine Federaci